

MINU ET DENOMBREMENT
DU DOMAINE DE TREFILY

1465 (B 1693)

*Jani
le hôte
des d'empus*

Cy ensuit le grant et mynu des heritages que Guy, feu seigneur de Trefily, tenoit et que Guillaume de Treffily, son filz, seigneur en present dudict lieu de Treffily tient, à luy escheüz par le deceps de sondict pere decepdé environ le temps de Noel derien, tenuz du fié du duc mon souverain seigneur ~~pour fermer le rachat desdicts heritaiges~~ (1) nuement que icelluy Guillaume baille par cest transcript à hamon Tanguy lieutenant de Bizien Meryen, recepveur ordinaire de Lesneven pour mondict souverain seigneur, pour fermer le rachat desdicts heritaiges ou en fere la lever par le mynu à son plésir.

Et premier le siege du manoir dudit lieu de Treffily o ses vergiers, colombier, porte, franchises et largesses queulconques entour et environ. Item, u champ nomé Meashir, quatre vigns sillons de terre en leur longueur, dont y a coul-
turation de froment en sexante sillons, douze sillons de gros blé et de la vecze
vingt et huyt sillons, et de la voyne (2) douze sillons, et de poys douze aultres
sillons. Item, au trevers dudict champ nomé Meashir, une piece de terre nomé Corn-
An-Floch , estimee à trante sillons en leur longueur qui sont en herbage. Item, ou-
dict terrouer, une piece de terre nomee an Cozkear-Poull estimee à quarante sil-
lons, qui sont en herbage, excepté dix huit sillons esqueulx il y a coul-
turation de la voyne et de la vecze. Item, udit champ, une piece de terre nomee an Groaneuc,
estimee à vingt sillons, dont y a du froment en coul-
turation. Item, jouxte ladicte
piece de terre, quatorze sillons en herbage. Item au trevers de ladicte piece u
champ nomé An-Vaseuc une piece de terre estimee à vingt et quatre sillons en
leur longueur et en laquelle piece y a en coul-
turation de la vecze. Item, jouxte
ladicte piece de terre seze sillons en leur longueur en herbage. Item, illecques pres,

(1) mots barrés dans le texte.

(2) sic, pour l'avoine.

douze sillons de terre dont y a de la vecze en coulterage. Item, au dessoubz ung tertre nomé Kuech: Basil, une piece de terre estimee à dix huit sillons de terre en coulterage de poys blanc. Item, à Keryhouarn une vieille maziere o son courtil, estimee à quinze sillons de terre en leur longueur, qui sont en herbage. Item, oudict terrouer, ung courtil nomé Liorz Detoux, estimé à vingt sillons, qui est en herbage. Item, au desoubz ledict courtil une piece de terre estimee à quarante sillons, qui est ausi en herbage. Item, oudict terrouer de Keryhouarn une piece de terre nommee An-Coz-Trez, estimee à quarante et cinq sillons aussi en herbage. Item, au bout dudict courtil, à Keryhouarn, une piece de terre u champ nomé An-Goez, estimee à quarante sillons en leur longueur, en herbage. Item, oudict champ, une piece de terre estimee à quatorze sillons de terre en herbage. Item, u champ nomé Meas Ramean, une piece de terre estimee à cinquante sillons qui sont en herbage. Item, ung parch nomé Parch Borhic, estimé à sexante sillons en leur longueur en herbage aussi. Item, jouxte ledict parch, ung nomé Parch An- Juchcolouff estimé à quatre vigns sillons en leur longueur dont il y a en coulterage de la voyne. Item, jouxte ledict parch, ung aultre parch nomé Parch Constance estimee à cinquante sillons en leur longueur, dont il y a de genes dedans. Item, au dessoubz desdicts parchs, jouxte la rive, deux parchs assambles de terre froyde, l'un nomé Parch Gueguen et l'aultre Parch An-Feunteun-Coz, estimés assambles à cinq centz sillons en leur longueur qui sont aussi en herbage. Item, une maison nomé Ty-An-Floch, o son courtil et parch estimez a sexante et dix sillons qu'ils sont herbage. Item, joignant au mur dudict manoir de Treffily, ung parch nomé le Parch Coz estimé à cent et quatre sillons en leur longueur dont il y a coulterage de poys, d'avoyne et de la vecze dedans avecque quarante sillons de froment et gros blé et vingt sillons en herbage. Item, u champ nomé An-Radyndeuc jouxte ledict parch, une piece de terre dont il y a quarante et cinq sillons de la vecze et vingt et cinq sillons de l'herbage. Item, oudict terrouer de Treffily, u champ nomé Meas Meur, une piece de terre estimee à trante sillons en leur longueur et dont y coulterage de poys dedans. Item, jouxte ledict champ, ung parch nomé Parch Meas Meur estimé à sexante et quatre sillons en leur longueur dont y a coulterage de segle en trante et deux sillons et le (—) de genes. Item, u champ nomé Measmeur, jouxte ledict parch, une piece de terre estimee à vingt et quatre sillons dont y a coulterage

avoine dedans. Item, une maison u lyeu nomé An-Rivier o son courtil et deux
parchs joignantz l'un à l'autre, estimés à cinquante sillons dont y a en ung d'eulx
coulturage de segle, froment, vecze et du lin, et l'autre est en herbage. Item,
troys moulins à Poulfogou, asses pres dudict manoir de Treffily, quelx sont par
ferme livres par an.

Et ce, certiffia et certiffie ledict seigneur de Treffily en présent, es-
tre vray et promect non venir jamais, ne fere venir encontre, et par son serment
donne soubz le seel estably aux contratz de la court de Lesneven avecques le par-
sentz des tabellions, cy dessoubz apposez, le deriein jour de juign constat de can-
celle, pour fermer le rachat desdicts heritaiges, l'an mil quatre cent soixante et
cinq, constast de juillet estimé a parchs donne come dessus.

Passé par A. Le Hezou.

Passé par D. Guillou.

Au jourduy ceanz Guillaume seigneur de Treffily jura avoir fait son de-
voir d'omage au duc mon souverain seigneur, à cause et par raison de ce qu'il
tient du fie de mondict seigneur pour le deceps de feu Guy, seigneur de Treffily,
son feu pere, qui tenoit nuement de son fié. Et pour luy valoir, assure ce qui est,
debvra luy fut comandé bailler ces presentes es generaux plez de Lesneven ce
es des causes dessire le 20e jour de septembre l'an mille quatre cent soixante
seize.

Passé par Chastennet.

AVEU ET MINU

DE TREGOLLE

1540 (B 1693)

En presence de nous, notaires et tabellions de la court de Lesneven, s'est stipulé et estably en droict, noble escuyer Olivier du Mescam, seigneur de Mescaradec, desmeurant en l'evesché de Léon, en la paroisse de Lannilis, ou manoir de Mescaradec, soubz ladicte court et jurisdiction. Quel a cogneu et confesse, et par ces presentes cognoit confesse et avoue, envers Monseigneur le Dauphin Duc de Bretaigne, nous, notaires et tabellions soubzsignantz, stipulantz et acceptantz, tout le contenu en cestes soubz nosdicts signes, pour luy tenir prochement et en proche fyé lige de nostredict seigneur en sadicte jurisdiction de Lesneven à foy, homaige et rachat, les terres, heritaiges et chosses heritelles dont il baille par ces presentes, le denumbrement, minu et declaration ainsin qui ensuit :

Et premier,

En la paroisse de Lannilis, une maison et estaige qui est noble, où à present desmeure Hervé Balchon, appellé Treffgolla Bras o ses maisons, porte, crechez, granche, aire, maison du four, jardins, courtilz, issues, franchisses et largisses, avecques le parch de jouxte le courtil devers solleil levant, appellé Parch Meas-Gleau, cerné de fosses tout en tour, contenant ensembles en fond d'heritaige ung journeau et demy à la charue, entre ung parch dict Parch An-Ere-Hyr et aultre parch dict An-Parch-Nevez chacun en son endroict, appartenant audict Mescam.

Item, au bout dudict derrain parch, devers solleil levant, aultre parch appellé Parch-An-Loarguen o fosses, contenant ung journeau de terre à la charue ou envyron, entre ung parch dict Parch Meas-An-Bruguet d'une part et aultre parch dict Goarem Nevez d'aultre, appartenantz audict Mescam.

Item, ladicte maison du four en ung courtil appelle Liorzan-An-Ty-Fourn, dix sillons de terre du costé devers le chemin, entre le chemin qui conduit du ~~bourg de Lannilis au manoir de Mescaradec d'une part, et le parch dudict courtil d'aultre.~~

Item, apres en ung parch dict Parch-Measclen-Uheaff du coste devers mydy, jouxte la terre Alain Jestin, une piecze de terre contenant vignt et cinq sillons siltué entre terre dudict Jestin d'une part, et le parsus dudict parch appartenant audict Mescam d'aultre.

Item, apres ledict parch, aultre parch dict Parch Measglas, cerné de fossés tout en tour, siltué entre terre de seigneur de Kermavan, d'une part, et le chemin qui conduit dudict villaige de Treffgolla au villaige de ^VKerañezec d'aultre, contenant ung journeau et quart de terre à la charue ou envyron.
Kerañezec

Quieux heritaiges cy dessus describes tient ledict Balchon par ferme dudict Mescam, et pourtant qu'il tient aultres heritaiges par ferme dudict Mescam soubz mesmes ferme avecq iceulx, ne scait ledict Mescam dire au vray la somme pour combien ledict Balchon les tient, mais dict que par commune estimacion que pevent valoir la somme de cent soulz monnoye par an, par communes annees. Et pour ce cent soulz

Plus avoue et confesse tenir en ladicte paroisse, une maison et estaige où à présent desmeure Alain le Berre, appellé Treffgolla Bihan o ses porte, aire, burons, crechez, vaulx, issues et largisses avecques ses courtil et jardin de jouxte cernes des chemins tout en tour conduissantz dudict manoir de Mescaradec audict manoir de Treffgolla, et desdicts manoirs de Mescaradec et Treffgolla à la chappelle Monseigneur Saint-Julien contenant en fond d'heritaige ung journeau de terre à la charue ou envyron.

Item, au devant la porte de ladicte maison, en ung parch dict Parch Treffgolla Bihan, une piecze de terre contenant ung journeau de terre à la charue, estant oudict parch du costé devers le chemin conduissant de ladicte maison audict lieu de Saint-Julien d'une part, et terre dudict Mescam d'aultre qui est ung parch dict Parch Treffgolla-Uhela.

Item, en ladicte paroisse ou lyeu dict an Flescor^U, troys parchs joignantz l'ung à l'autre et s'entretenantz ensembles appellés Parch Kerasquer sittué entre le chemin qui conduit de Treffgola-Bras à Lannilis et terre Robert Concq, chacun en son endroict d'une part, et terres Alain Jestin et Jehan Calvetz Pellain, chacun en son endroict et d'autre contenant ensembles deux journeaulx et demy à la charue ou envyron.

Quielx maison et parchs, tient ledict Berre par ferme dudict Mescam, et que scait ledict Mescam dire au vray la somme pour combien ledict Berre les tient par an, pourtant que ledict Berre tient aultres heritaiges par ferme dudict Mescam, soubz mesmes ferme avecq iceulx maison et parchz, touteffoys dict ledict Mescam que par commune estimacion pevent lesdictes chosses valoir par an par communes annees la somme de cent soulz monnoye. Et pour ce cent soulz

Plus, avoue et confesse tenir, oudict vilaige de Treffgolla, ung parch dict Parch Measan Bruguec excepte douze sillons de tere, qui sont du costé devers le chemin conduissant du villaige de Penlann audict bouch de Lannilis, icelluy parch sittué entre ung parch appartenant audict Mescam dict Parch Loguel-Mestollet d'une part, et ledict chemin d'autre, contenant excepte lesdicts douze sillons, troys journeaulx de terre à la charue ou envyron.

Quel parch tient par ferme Alain Leon de la Fosse dudict Mescam, pour luy poier par chacun an à chacun terme de la saint Michel, la somme de cent soulz monnoye. Et pour ce cent soulz

Item, pareillement, avoue et confesse tenir en ladicte paroisse ou lyeu dict Prat-An-Lann, ung fenier dict et appellé Fouennec-Prat-An-Lann ainsin qu'est cerné de fosses sittué entre le chemin qui conduit de la croix appellee An-Croas-Prenn au manoir de Kerrengar d'une part, et ung parch dict An-Coz-Fouennec appartenant audict Mescam d'autre, contenant troys journeaulx de faulcheur ou envyron.

Item, ledict parch appellé An-Coz-Fouennec o ses fosses sittué entre ledict fenier d'une part, et le chemin conduissant de ladicte croix appellee An-Croas-Prenn au pré dict Prat-An-Lann d'autre, contenant ung journeau et quart de terre à la charue ou envyron.

Item, apres dudict Parch An-Bruguec, ledict parch dict Parch-Meastollet
situé entre ledict Parch-An Bruguec d'une part, et ledict Parch-An-Hyr d'aul-
tre, contenant vint et cinq sillons de terre ou envyron.

Item, oudict villaige de Treffgola, deux parchz joignantz l'ung à l'autre,
l'ung appellé Parch-An-Goarem-Nevetz et l'autre Parch Kerozven, contenant ensem-
bles quatre journeaux de terre à la charue ou envyron, entre le grand chemin
conduissant dudict villaige de Treffgolla audict bourg de Lannilis et vers le vil-
laige de Kerguereon d'une part, et terres dudict Mescam d'autre qui sont lesdicts
parchs An-Bruguec et Parch Loarguenn.

Item, en ladicte paroisse ou lyeu dict An-Flescou, neuff parchz joignantz
l'ung à l'autre et s'entretendantz ensembles, l'ung appellé Parch-An-Barbu, autre
Parch Keraldanet, autre Parch-An-Caste, autre Parch Alain Symon, autre Parch-
An-Pallieu, autre an Parch-Groas, autre Parch-Esandy, autre Parch Beligant, aut-
tre Goarem-Eon-Quere, cernes des chemins conduissants de la croix appellée Croas-
An-Flescou au villaige de Kerguereon, et des terres de Herve Keranravs, seigneur
de la Fosse, Jehan Calvetz et Alain Squiban, chacun en son endroit d'une et aut-
tre part, contenant ensembles douze journeaux de terre à la charue ou envyron.

Item, apres dudict lyeu de Flescou, ung parch dict Parch-Treffily, sit-
tué entre terre Yvon et Olivier le Duff et leurs freres d'une part, et le chemin
conduissant dudict Tregolla audict Lannilis d'autre, contenant ung journeau de
terre à la charue ou envyron.

Oudict lyeu, apres deux parchs joignantz l'ung à l'autre et s'entrete-
nantz ensembles, l'ung diceulx appelle Parch-An-Croum et l'autre Parch-An-Scaff,
situé entre terre Mahotte Kerichann d'une part, de ledict chemin conduissant de
sembles troiys journeaux de terre à la charue ou envyron.

Quieux heritaiges cy-devant declaires, depuis le parch dict Parch-Meas-
anbruguec que tient Alain Leon par ferme tient ledict Mescam en sa main et les
maneuffre de luy mesmes.

Plus, coignoit et avoue tenir udict fye, scavoir est, par ung article ung
boisseau froment comble meseure nostredicte court, et deux soulz monnoye et une
hanappee et demye froment, valant quart et huyct boisseaux froment predicte me-
seure et deux soulz monnoye par autre article de cheffrentes, à prandre et lever

en Plouerdiner, au terme de Nouell, par une main et contribution de Philippe
enn et Hervé Mingant, Katherine et Marie Laouenan, Ysabelle Mecon et Jehan le Sanc-
quer o la seigneurie de ligencze que ledict Mescam a et prend sur lesdict nommés, à
cause desdictes cheffverentes dessus leurs heritaiges estant ou villaige de Kermeur en
ladicte paroisse de Lannilis, gaiges et ypotheques en poyement et continuacion des-
dictes cheffverentes.

Item, avoue paraillement tenir une hanappee froment, valant quart bois-
seau froment comble meseure nostredicte court, et quatorze deniers monnoye, sca-
voir douze par ung article et deux par l'aultre de cheffverente à prendre et lever
par chacun an unes foys l'an, de Marie Symon femme espouse Prigent An ault o la
seigneurie de ligencze que ledict Mescam a et prend sur ladicte Marie à cause de
ladicte cheffverente dessus ses heritaiges, sittue en ladicte paroisse es villaige de
Kergall et de Kerengar, gaiges et ypotheques de la continuacion et poyent de la-
dicte chefferente.

Plus, avoue et confesse tenir une astellee froment, valant demy boisseau
froment comble predicte meseure, et deux soulz six deniers monnoye de cheffrente
o la seigneurie de ligencze que ledict Mescam a et prend à cause de ladicte cheff-
verente à prendre et lever par chacun an, unes foy l'an au terme surdict, de Je-
han Perch Kermeur dessus partie de ses heritaiges ou villaige de Kerdalsir en la-
dicte paroisse, gaiges, et ypotheques au poyement et continuacion de ladicte cheff-
verente.

Item, plus advoue et confesse tenir dix deniers monnoye ou une paire de
(—)(1) de cheffverente, à prendre et lever par chacun an, unes foys l'an au terme
surdict, de Jehan Calvetz Peleann o la signeurie de ligencze que ledict Mescam a
et prend sur ledict Calvetz à cause de ladicte cheffverente, dessus partie de ses
heritaiges ou villaige de Pellann en ladicte paroisse de Lannilis, gaiges et ypothe-
ques en poiement de ladicte cheffverente.

Item, demy boisseau, quart boisseau et huyctieme boisseau froment com-
bles predicte meseure, et douze deniers monnoye de cheffverente à prendre et le-
ver par chacun an, à chacun dict terme, de François Potin dessus partie de ses

(1) blanc dans le texte.

heritaiges sittiué en ladicte paroisse ou villaige du Com et mettes du passaige ap-
pellé le Passaige de l'Aber-Benoist o la seigneurie de ligencze que ledict Mescam
a et prend sur ledict Potin à cause de ladicte cheffverente. H

Plus, avoue et confesse tenir et prandre et lever par chacun an, unes
foys l'an, à l'assignation predicte de Margarite Golies et Bernanrd Golies, filz Je-
hanne Gelin, par ung article demy boisseau froment comble predicte meseure, par
aultre article quatre deniers monnoye, par aultre troys quartz boisseaux froment
deux reas et l'aultre comble predicte meseure, par aultre article six deniers mon-
noye, par aultre sept deniers monnoye, et par aultre tiercze hanappée froment
comble predicte meseure de cheffverente o la seigneurie de ligencze que ledict
Mescam a et prend sur lesdicts Golies à cause desdites cheffverentes dessus par-
tie de leurs heritaiges sittiué esdicts lieux du Com et du passaige, gaiges et ypo-
thecques au poiement et continuacion de ladicte cheffverente.

Et sont les heritaiges cy-devant declaires, tenuz oudict fyé par ledict
Mescam, à la charge de la foy homaige et rachat seulement et pour toute cher-
ge sauff l'obeissancze que doibt audict seigneur et à sadicte court comme à son
princze et souvererein seigneur. Et, est ledict mescam venu à la possession et sei-
gneurie desdictes choses, à cause et par raison de la succession de feu Jehan du
Mescam, seigneur en son vivant dudict lyeu de Mescaradec, son pere, mort et decedé
trante cinq ans a ou envyron.

Et, ce que dessus stipule et accepte par nous, notaires et tabellions soubz-
signons pour nostredict souverain seigneur, certiffie ledict Mescam estre vray et
promect et s'oblige par ces presentes soubz obligation et ypothecques desdicts
heritaiges et par son serment ainsin tenir et fournir et non venir jamais encontre.
Donne tesmoign de ce le sean des contractz de nostredict court. Ce fut faict et
gree en la maison ou desmeure Yvon An Hyr, en la ville de Lesneven, le vint troi-
xieme jour de may l'an mil cinq centz quarante. (—).

Kerourio passé

Audren passé

AVEU POUR LE MANOIR DE KERALDANET

1541 (B 1692)

15^{me} 1541

En presence de nous, notaires et tabellions de la court de Lesneven s'est representé et estably en droict, Gabriel Keraldanet, noble homme, seigneur du Rascor et de Keraldanet, desmeurant en l'evesché de Léon, en la paroisse de Lannilis, au manoir du Rascor, soubz ladict court et jurisdiction. Quel a cogneü et confesse, et par ces presentes cognoit, confesse et avoue envers monseigneur le Dauphin duc de Bretagne, nous, notaires et tabellions soubzsignants, stipulants et acceptants, tout le contenu en cestes, soubz nosdictes signatures pour luy tenir prochainement et en proche fye lige de nostredict seigneur en sadicte jurisdiction de Lesneven, à foy homaige et rachat, les terres, heritaiges et chosses heritelles, dont je baille par ces presentes le denombrement, mynu et declaration, ainsi qui ensult :

Et premier,

En ladicte paroisse de Lannilis, ung manoir et lyeu noble appelle Keraldanet, o ses maisouns, burons, creches, porte, aire, jardins, vergiers, issues et franchisses dudict manoir, avecq la motte de terre jouxte celluy manoir, situés entre les terres dudict Keraldanet. Le tout contenant en fond d'heritaige, demy journeau de terre à la charue ou envyron.

Item, de jouxte la maison dudict manoir, ung courtill appellé Liorz-an-Couldy, ou est assis le columbier, situé entre les deux terres dudict Keraldanet, contenant demy journeau de terre à la charue ou envyron.

Item, de jouxte ledict courtill, ung parch et piecze de terre, appellé Parch an Coat, situé entre terre dudict Keraldanet d'une part, et ung chemin

appelé Strehat-an-Coat d'aultre, contenant ung journeau de terre chaulde à la charue ou envyron.

Item, le boys tailleis dudict manoir appelé Coat Keraldanet, sittué entre ladicte piecze de terre appelle Parch an Coat d'une part, et ledict chemin dict Strehat an Coat d'aultre, contenant envyron dix journeaux de terre à la charue.

Item, ung parch appelé an Parch-Letton, sittué entre ledict boys dict Keraldanet d'une part, et terre Jehan Goff d'aultre, contenant envyron quatre journeaux de terre chaulde à la charue.

Oudict terrouer, aultre parch de terre chaulde, dict an Parch Letton Bihan, sittue entre ledict boys d'une part, et terre dudict Goff d'aultre, contenant envyron ung journeau de terre à la charue.

Item, oudict terrouer, ung parch appelle Parch Measvartz, sittué entre le chemin conduissant de la croix appellee crois Quelen, audict manoir de Keraldanet et le chemin qui conduit de ladicte croix au villaige de Marric, et ledict parch nommé, cy devant, le parch Letton qui contient quatre journeaux, de terre, et terre dudict Jehan Goff, chacun en son endroit, d'une et aultre part, contenant dix journeaux de terre chaulde à la charue.

Oudict terrouer, ung parch appelé Parch-An-Fourn, sittué entre ledict chemin conduissant de ^{QVELEN} ladicte croix, audict manoir de Keraldanet d'une part, et ledict parch nommé Measvartz d'aultre contenant troys journeaux de terre chaulde à la charue.

Item, deux parchs joignantz l'ung à l'aultre, et s'entretenantz ensembles, estant devant l'entree dudict manoir, l'ung, appelé Parch-Dirac-an-Porz, et l'aultre Parch an Run, sittués entre les rabines dudict manoir qui conduissent dudict manoir au grant chemin, qui conduit de ladicte croix à Lesneven, et dudict manoir à la motte de terre, appellee la motte de Keraldanet, et de ladicte motte audict grant chemin, et ledict grant chemin chacun en son endroit, de chacune part.

Item, oudict terrouer, ung parch appelle an Parch Croas, sittué entre terre maistre Jehan Kerozven, seigneur dudict lyeu, et les chemins qui conduissent

dicelluy grant chemin, au pré dict Prat-Kerozven, contenant troys journeaux de terre chaulde à la charue.

Quel manoir et sesdictes appartenances, cy devant declaires, tiennent Ollivier Gahaigurun et Guillaume le Louarnn par ferme, dudict Keraldanet pour luy poier, par chacun an, à chacun terme de la saint Michel Montgargann, vignt et cinq livres monnoye et une demye douzaine de chappons.

Et pour ce

XXV et VI chappons

Plus, avoue et confesse, tenir ung vieu moulin, nommé melin Keraldanet, et une vieille chaussee, jouste ledict moulin, avecq partie de l'estang qui est à present en pré, sittué en ladicte paroisse ou terrouer de Kerospy, entre terre dudict Keraldanet, qui est en pré tenu prochement du seigneur du Chastell, et le chemin qui conduit dudict manoir, au pont nommé Pont-Grach. Quelle portion de pré que ledict Keraldanet tient prochement de ladicte court et lesdicts chaussee et fond de moulin, contiennet six sillons de terre. Ouquel moulin, desmeure à present Jehan Treguer, et le tient par ferme, dudict Keraldanet, pour luy poier par chacun an, à chacun dudict terme de la Saint-Michel, vignt et cinq soulz monnoye. Et pour ce

XXV soulz

Item, pareillement, cognoit et avoue ledict Keraldanet, tenir prochement de ladicte court, comme dict est les heritaiges dont la declaracion ensult :

C'est à scavoir en ladicte paroisse, le manoir du Rascor, ou à present desmeure ledict Keraldanet, o ses maisouns, burons, cresse, estables, portes, aire, jardins, issues et franchisses, avecq ung courtil de jouxte ladicte maison, appelé Liorz-an-Treur, sittué entre les rabines dicelluy manoir. Le tout contenant ensembles deux journeaux de terre, en fond et heritaige.

Item, au devant la porte, dudict manoir de Rascor, en ung parch appelé an Parch Diraz an Portz, au my lyeu dudict parch, une piecze de terre chaulde, entre les deux terres dudict Keraldanet, qui sont sittué entre le chemin conduisant dudict manoir à Pont Grach, et la rabine dudict manoir conduissant à Lannilis, contenant demy journeau de terre à la charue.

Oudict terrouer, en ung parch appelle an Eou Du une piece de terre chaulde appelle Liorz an Marec, sittuee entre les terres dudict Keraldanet, qui sont situés entre le chemin conduissant dudict manoir du Rascor audict Pont Grach, et aultre chemin conduissant dicelluy au manoir de Lannoungar, contenant demy journeau de terre à la charue.

Oudict terrouer, en ung parch appellé Parch Kerbrat, une piece de terre chaulde, entre les terres dudict Keraldanet, quel parch est situé entre ledict manoir de Lannoungar et le chemin conduissant au pré dict Prat Lannoungar, contenant demy journeau de terre à la charue.

Quel manoir et les heritaiges de ses appartenances, en cestes declaires apres icelluy manoir, tient ledict seigneur du Rascor, en sa main.

Item, avoue paraillement tenir esdicts parcs et terrouer, ung manoir et lyeu noble appelle Lannoungar o ses aires, burons, issues et franchisses avecq son courtill de jouxte, situé entre les terres dudict Keraldanet, contenant ensembles en fond d'heritaige, demy journeau de terre à la charue.

Duquel manoir desmeure à present Thomas Salaun, et le tient par ferme dudict Keraldanet, pour luy poyer par chacun an audict terme de la saint Michel, vint et cinq soulz monnoye. Et pour ce XXV soulz

Et sont les heritaiges cy devant declaires, tenuz dudict fye par ledict Keraldanet à la charge de la foy, homaige et rachat seulement, et pour toute charge, sauff l'obeissance qu'il doibt audict seigneur, et à sadicte court comme à son princze, et souverain seigneur, et est lesdict Keraldanet venu à la possession et pouvoir desdictes chosses à cause et par raison de la succession de feu Jehan Keraldanet, seigneur en son vivant desdicts lyeux du Rascor et de Keraldanet, pere dudict present Keraldanet, mort et decédé quarante ans y a, ou environ.

*Je ne me donne pas de l'usurier
IGOR DOMZANOV → Si m'avez*

Et tout ce que dessus stipule et accepte par nous, notaires et tabelions, soubzsignons, pour nostredict souverain seigneur, certifie ledict Keraldanet estre vray, et promect et s'oblige par cestes soubzbligacion et hypotheque desdicts heritaiges, et par son serment ainsin tenir et fournir et n'en venir jamais

encontre, donne tesmoing de le seau des contractz de nostredicte court. Ce fut
faict et grée au manoir du Rascor en la paroisse de Lannilis le quinzieme jour
de may, l'an mil cinq centz quarante ung.

Kerlozven passé.

Audren passé.

AVEU ET MINU DE KEROUARTZ

1541 (B 1693)

22 Mai 1541

En presence de nous, notaires et tabellions de la cour de Lesneven, s'est representé et estably en droict, François Kerouartz, noble homme, seigneur dudict lyeu de Kerouartz, demeurant en l'évêché de Leon, en la paroisse de Lannilis, oudict manoir de Kerouartz, soubz ladict court et jurisdiction. Quel a cogneü et avoue tenir prochement de monseigneur le Daulphin, duc de Bretagne à cause d'icelluy duché en sa provosté de Plouediner, soubz sadict court de Lesneven, les heritaiges desquieulx ensuit le denombrement, mynu et declaracion.

Et premier,

En la paroisse de Lannilis, ou terrouer de Kerouartz, au prochain parch du manoir de Kerouartz, devers le mydy, ledict parch dict an Parch-Dirac-An-Portz, une piecze de terre estant du costé devers l'orient, oudict parch sittué entre le chemin dict le chemin des relicques, terres Jehan Perch et dudict Kerouartz, chacun en son endroit, d'une part, et terre dudict Kerouartz d'aultruy fye d'aultre, contenant quatre journeaux de terre à la charue.

Oudict parch, aultre piecze de terre devers le mydy, dudict parch et en l'endroit d'ung aultre parch nommé An-Parch-Nevetz appartenant audict Kerouartz et oudict Parch-Nevetz jouxte le fossé d'entre lesdicts parchz, aultre piecze de terre sittuees entre les deux terres dudict Kerouartz, contenant ensembles o ledict fossé, ung journeau à la charue.

Oudict terrouer, ou lyeu dict An-Escotz, une piecze de terre sittuee entre terre dudict Kerouartz de chacune part, contenant troys quartz journeau à la charue.

Esdicte paroisse, terrouer et lyeu, aultre piecze de terre sittuee entre terre Jehan Goff et ses freres d'une part, et terre dudict Kerouartz (—) (1) et

Margaritte Calvetz d'aultre contenant troys quartz journeau de terre à la charue.

Esdicte paroisse, terrouer et lyeu, aultre piece de terre sittuee entre la rive de la mer d'une part, et terre Jehan An-Lay et ses freres, terre que Olivier Guillaume, Ysabelle et Loyse Meur d'aultre, contenant troys quartz journeau hycieme .

Oudict lyeu, aultre piece de terre sittuee entre Ysabelle An-Lay d'une part, et terre desdicts Olivier Guillou et Ysabelle Meur d'aultre, contenant quatre sillons et demy.

Oudict lyeu An-Escotz, aultre piece de terre sittee entre terre desdicts Lay et ses freres d'une part, et terre desdicts Olivier Guillou et Ysabelle Meur d'aultre, contenant demy journeau à la charue.

Oudict terrouer An-Escotz, aultre piece de terre sittuee entre terre dudict Kerouartz d'une part, et terre de Margarite le Joliff, femme de Yvon Pillae, d'aultre, contenant cinq sillons quart.

Item, ladicte paroisse, ou terrouer du Kerdatnaon^U, ou lyeu dict An-Prabihan, une petite maison o son courtil de jouxte quieulx Hervé Salaun tient par ferme dudict Kerouartz, pour la somme de vignt soulz monnoye chacun an, sittuee entre le chemin d'une part à la franchise aupres d'aultre, contenant demy journeau hycieme à la charue.

Quieulx heritaiges et pieces de cy dessus describes, sont terres chaudes de successions Alain Kerouartz et Jehanne Kerlech, pere et mere dudict Kerouartz et decedés scavoir, ledict pere cinquante ans y a, et la mere vignt et sept ans y a ou envyron, et les tient et maneuffre, fors ladicte maison et son courtil valant par an par commune estimacion la somme de cent douze soulz six deniers, sauff à rabastre les charges cy-ainpres au prochain article declairés :

Lesdicts heritaiges tenuz par ledict Kerouartz soubz la charge de huyct soulz monnoye et cinq hanappees froment reas, meseure Lesneven, dont les quatre desdictes hanappees font boisseau reas, meseure dudict Lesneven, debuz dudict Kerouartz par chacun an unes, foyz l'an audict seigneur, à estre poiés par les mains de François du Com, seigneur de Kerengar, son provost sealde en l'une des paroisses de Plouediner, scavoir Lannilis, Landeda et Brouennou, à chacun terme de Nouell, audict ban, lyeu et assignation de la recepte de ses aultres rentes, dicelle

*

provosté esdicte^S paroisse^S de Plouediner au terme de Nouell.

Plus, avoue et confesse tenir, une piece de terre sittuee audict lyeu An-Escotz, entre terres dudict Kerouartz devant describes de chacune part, contenant troys quartz journeau de terre à la charue.

Dudict parch Nevetz dessus describé, le parsus dudict parch entre la piece de terre cy-devant describee en icelluy, sittuee entre icelle piece, d'une part, de terre de Jehan Malabroucze et ses fond d'aultre, contenant ung journeau huyctieme.

Item, au bout dudict parch, devers orient et jouxte icelluy ou champ nommé Goaslerguenn, aultre piece de terre^C Costean de l'aultre parc, auxdictes terres Jehan Perch dudict Kerouartz, Ysabelle An Lay et ladicte ferme de Yvon Pillae, chacun en son endroit, contenant demy journeau.

Esdict terrouer et champ, aultre piece de terre sittuee entre terre dicelle Ysabelle An-Lay d'une part, et terre Katherine An-Lay et terre dudict Kerouartz, chacun en son endroit, d'aultre, contenant troys quartz journeau à la charue.

Esdict terrouer et champ aultre piece de terre sittué entre terre (—)*

Quelles quatre pieces de terre sont terres chaudes et est venu ledict Kerouartz à la possession et seigneurie diceulx par les aultres retraictz de Margarine Calvetz, à tiltre de vente et donaison dix-huyct ans y a.

Soubz la charge d'une hanappee froment, predite meseure de Lesneven, et cinq soulz monnoye par chacun an à estre poiés par ledict Kerouartz audict seigneur, par les mains de sondict provost, à parail terme et assignation que dessus esdictes paroisses de Plouediner.

Esdicts paroisse et terrouer ou champ dict Meas-An-Meur, aultre piece de terre sittuee entre terre Prigent Goff et Jehanne le Lay d'ung costé, et terre dudict Kerouartz d'aultre costé, contenant ung journeau deux sillons de terre chaulde.

Icelle piece de terre retraicte par ledict Kerouartz de Guillaume et Olivier Meur à tiltre d'eschange unze ans y a.

Soubz la charge d'une astellee froment, valant demey boisseau predite

meseure, en contribution o Olivier et Ysabelle Meur et leurs confreres, debue dudict Kerouartz et desdicts nommés dessus leurs heritaiges oudict terrouer, par une main et contribution audict seigneur par chacun an, par les mains de sondict provost aux terme et assignacion susdicts.

Plus, avoue et confesse tenir oudict champ de Meas-An-Meur, aultre piece de terre entre terre dudict Kerouartz de chacune part.

Item, au bout devers l'orient de ladicte piece de terre, aultre piece de terre entre terre dudict Kerouartz d'une part, et terre Jehanne An-Lay d'aultre.

Item, devers l'occident de ladicte piece de terre, aultre piece de terre entre terre Jehan Malabroucze et ses confreres d'une part, et terre dudict Kerouartz d'aultre.

Oudict terrouer, aultre piece de terre sittuee entre la terre Katherine An-Lay d'une part, et terre de ladicte femme dudict Pillac d'aultre.

Lesdictes quatre pieces terres chauldez retraictes par ledict Kerouartz dudict Jehan Perch, par tiltre d'eschange, envyron neuff ans y a, contenant ensembles demy journeau huyctieme à la charue.

Soubz la charge d'ung demy boisseau et huyctieme boisseau froment, predicte meseure, et quatre soulz monnoye debuz audict seigneur par chacun an, audict terme, par les mains de sondict provost à l'assignacion predicte, laquelle charge dict ledict Kerouartz, ledict Perch la priere tant en son acquit que en acquit dudict Kerouartz, soubz laquelle charge avoue tenir aussi aultre piece de terre, sittuee oudict terrouer, entre terre Jehanne et Ysabelle An-Lay d'une part, et terre de ladicte Katherine An-Lay d'aultre, contenant ung journeau de terre chaulde à la charue. Icele piece de terre retraicte par ledict Kerouartz de ladicte Jehanne Perch et Hervé Marec scavoir la part dudict Hervé en assiepte de cinq soulz monnoye de rente que ledict Marec devoit audict Kerouartz de la part dicelle Jehanne, par tiltre de vante faict par ladict Kerouartz envyron ans l'an mil cinq centz trente ung ans y a, novembre l'an mil cinq centz vingnt et cinq et laisseront dudict Hervé Marec en apvrill l'an mil cinq centz vignt et huyct.

Item, plus avoue tenir oudict terrouer du Kerdalnaon, aultre piece de terre sittuee entre terre dudict Kerouartz de chacune part, contenant demy jour-

seau de terre chaulde à la charue.

Icelle piecze de terre retraicte par ledict Kerouartz, par tiltre d'eschange, de Pierres Calvetz, envyron dix ans y a.

Quieulx, paraillement tient et maneuffre ledict Kerouartz qui pevent valoir par an par commune estimacion pourtant qu'ilz sont terres decloses, la somme de quatre livres dix soulz monnoye, sauff à rabastre lesdictes cherges.

Et, ce que dessus stipule et accepte par nous, notaires et tabellions, soubzsignons pour nostredict seigneur, certiffie ledict Kerouartz estre vray, et promet et s'oblige par cestes soubz obligation et ypothecque desdicts heritaiges et par son serment, ainsin tenir et fournir et n'en venir jamais encontre. Donné tesmoign de ce le seau des contractz de nostredict court. Ce fut fait et gréé en la maison ou desmeure Maian Messaiger au bourg de Lannilis, le vignt-deuxieme jour de may, l'an mil cinq centz quarante ung. Approuve en jurisdiction d'eschange reppvue en cancelle audict y a par ledict Kerouartz envyron ans en l'an mil cinq centz trante ung ung ans y a d'eschange : donné, comme dessus.

Gourio passé

Kerozven passé